



LAPORAN LIPUTAN MEDIA

KHAMIS / 10 DISEMBER 2020

- 1. NEW WATER THREAT LOOMS IN THE NORTH**
 - THE STAR

- 2. RAHMAT KINI PEKEBUN NENAS**
- 3. MAFI PERKENAL DUA PELAN STRATEGIK GALAK BELIA DALAM BIDANG PENTERNAKAN**
 - UTUSAN MALAYSIA

- 4. BUKAN SEMUA BOLEH IMPORT DAGING**
 - KOSMO

DISEDIAKAN OLEH :
CAWANGAN KOMUNIKASI KORPORAT
(MADA)

New water threat looms in the north

PBAPP: Approval for large-scale mining in Ulu Muda will harm river

THE approval of permits for large-scale mining in Ulu Muda by the Kedah government will jeopardise water supply in three northern states with a combined population of 4.2 million people, said Penang Water Supply Corporation (PBAPP).

PBAPP chief executive officer Datuk Jaseni Maidinsa said that according to reports, Kedah Menteri Besar Muhammad Sanusi Md Nor had said his administration had approved a permit for a company to explore large-scale mining of minerals referred to as rare earth elements (REE) in Ulu Muda, Sik and Baling.

"The Environment and Water Ministry, Natural Resources and Energy Ministry and National Security Council must work together to stop this dangerous venture immediately," said Jaseni in a statement on Monday.

"Ulu Muda is the largest and most important water catchment area in the Northern Corridor Economic Region (NCER).

"Large-scale mining in the 163,000ha Greater Ulu Muda Forest Complex will involve large-scale land clearing wherever the minerals are found.

"The fallout from cutting down trees, flattening hills, establishing huge quarries

9 - 10 JAN '21 *Step Up*
EDUCATION FAIR
 SETIA SPICE CONVENTION CENTRE
 11AM TO 7PM



Inclusive Education: Where Everyone Benefits
 by **Johanna Maria Means**
 Senior Lecturer in the School of Education (Special Education and Early Childhood) Quest International University

EDUCATION & CAREER TALKS
 9 JANUARY (SATURDAY) 12.15PM - 12.45PM
 HALL 4 FOYER

and digging into the earth will be monumental destruction of the rainforest environment.

"Mining will adversely affect Sungai Muda, a strategic raw water resource."

Jaseni also raised concerns on other large-scale mining enterprises in Ulu Muda which may decimate forests that catch the rainwater flowing into Sungai Muda as raw water.

"In this sense, Ulu Muda is the first link in



Sungai Muda is a strategic water resource for three northern states. — Filepic

the NCER water supply value chain that meets the water needs of the people in Perlis, Kedah and Penang.

"About 70% of Perlis' raw water and 96% of Kedah's raw water originate from Ulu Muda.

"More than 80% of the raw water that PBAPP abstracts daily from Sungai Muda at the Lahar Tiang Intake in Penang comes from Ulu Muda.

"Ulu Muda cannot continue to function as a primary natural water catchment area for three NCER states if its rainforests are cut down, its hills flattened and its landscape scarred by mining operations.

"The damage is likely to be permanent," he said.

He explained that the threat is not limited to a shortage of raw water from Ulu Muda.

"The quality of the raw water from this river will also be compromised.

"Large-scale mining operations will

generate large amounts of toxic waste, debris and polluted earth," he said.

Earlier, Sanusi was quoted as saying that the Kedah government's intention to exploit REE was still at the preliminary stage, with no mining carried out so far.

He said the approval given to a Kuala Lumpur-based company was to carry out exploration work in Sik.

He said the process would involve checking the composition of mineral deposits in the area.

He added that the findings, still at their early stages, would involve various agencies.

"The state government sees this as another source of income for Kedah.

"We have to explore it first but of course, it will be done through the correct process and technologies," he clarified.

Sanusi had announced that the state had rare earth deposits estimated to be worth RM62bil.

JELAS teruja saat bercerita mengenai penerokaan baharunya ini, Rahmat sedar barangkali ada yang bertanya-tanya mengapa seorang artis atau selebriti sepertinya ingin keluar daripada bidang seni dan menjerumuskan diri dalam bidang yang jauh berbeza seperti perladangan.

Baginya, dalam keadaan pelbagai sektor terjejas kerana pandemik, dia tidak boleh bergantung harap pada satu cabang sahaja dan perlu berani keluar dari zon selesa.

"Kalau dilihat, industri pertanian tidak terkesan dan mampu mandiri berbanding industri lain ketika pandemik ini. Pasar dibuka dan orang masih perlu untuk membeli sayur, ikan dan bahan mentah untuk keperluan di rumah.

"Jadi tak salah jika saya mencuba bidang ini pula memandangkan permintaan itu ada selain dapat membantu peladang dan petani kecil lain menerusi pembelian secara pukal dan menjualnya pada skala yang lebih besar," katanya.

Dilihat begitu komited dengan perniagaan nanasnya kini, Rahmat mengakui lebih gembira dan tenang menceburi bidang ini tanpa perlu memikirkan soal persaingan sebagaimana hidupnya ketika bergelar artis.

"Nampak saya gembira kah? Ya betul lah tu, saya rasa lebih tenang dan dihargai dalam bidang ini. Kalau dibandingkan dengan dunia hiburan, memang banyak cabaran dan persaingan di mana, setiap hari ada sahaja wajah-wajah baru muncul.

"Berbeza dengan industri pertanian, kita sama-sama saling memerlukan dan membantu. Awak ada ladang, saya ada ladang, hasil kita tuai sama-sama.

"Kalau industri hiburan, saling berlumba-lumba untuk menonjol. Bukanlah nak kata ada yang saling menikam,

Rahmat kini pekebun nanas



RAHMAT menghabiskan banyak masa di ladang nanas berbanding kehidupan sebagai artis.

tetapi masing-masing mestilah nak ke hadapan. Maka wujudlah persaingan," katanya.

BUAT APA MALU?

Bercerita lanjut mengenai perniagaan nanasnya, kata Rahmat, dia tidak malu andai kata ada pihak selepas ini menggelarnya dengan panggilan 'Rahmat Nanas' berbanding Rahmat Mega.

Menganggap ia juga adalah satu daripada promosi berkesan, penyanyi ini mengaku tidak perlu merasa malu dengan perniagaan yang dijalankan.

"Okeylah tu. Lagipun, dalam industri pertanian, mereka pun sedang mencari ikon artis yang terlibat dalam bidang ini. Memang sebelum ini ada, tetapi kebanyakannya dibayangi



NANAS yang sedia untuk dipasarkan di seluruh negara.

oleh orang lain di belakang. "Contohnya ada orang beri dana dan sebagainya. Macam saya, segala-galanya diusahakan daripada bawah,

menggunakan modal sendiri bersama rakan niaga. Pendek kata, daripada A sampai Z, saya usahakan sendiri.

"Sekarang alhamdulillah, orang sudah mula tahu mengenai perniagaan yang saya buat ini dan ada yang minta saya membantu

mereka meluaskan pemasaran hasil tanaman," katanya.

LAGU ISTIMEWA

Mungkin kedengaran agak pelik, tetapi kata Rahmat, dia juga telah menghasilkan sebuah lagu mengenai tanaman nanas sebagai signifikasi dan dedikasinya kepada cabang baharu bisnesnya itu.

Menulis sendiri lirik dan lagu, Rahmat mengambil kesempatan yang sama untuk mengkomersialkan lagu berjudul *Puteri Mahkota* itu untuk semua pendengar dan peminat.

"Lagu itu memang bercerita mengenai nanas dan kepelbagaian jenisnya. Antara jenis yang disebut dalam lagu ialah MD2, Morris, Josephine, Yankee dan Madu Kaca.

"Sengaja saya hasilkan lagu itu, bukan untuk tujuan korporat pun, tetapi sekadar suka-suka.

"Kalau ada pihak nak lagu itu, contohnya lembaga pertanian, boleh sahaja saya nyanyikan dalam majlis mereka dan sebagainya," katanya.

Ditanya faktor menjadikan dirinya kuat saat berdepan dengan gelombang tidak menentu dalam dunia perniagaan, kata Rahmat: "Jatuh bangun, melabur duit dan rugi ini bagaikan sudah lali dirasakan. Sampaikan mahu melabur dalam sesuatu perniagaan itu, dah tiada rasa takut dah.

"Sebab, kita hanya merancang. Dan selebihnya, Dia yang tentukan. Paling penting, mental kena kuat. Kebanyakan orang, kalau sudah gagal sekali, mereka dah serik. Tetapi macam saya katakan awal-awal, kalau kita tidak jatuh, kita tidak akan naik," katanya.



MAFI perkenal dua pelan strategik galak belia dalam bidang penternakan

KUALA LUMPUR - Kementerian Pertanian dan Industri Makanan (MAFI) melalui Jabatan Perkhidmatan Veterinar (DVS) telah menyediakan dua pelan strategik utama bagi menggalakkan penglibatan golongan belia dalam bidang penternakan terutama industri daging.

Timbalan Menteri, Datuk Che Abdullah Mat Nawi berkata, dua pelan strategik itu ialah Pelan Strategik Pembangunan Industri Pedaging Negara yang menggariskan 12 hala tuju dan Pelan Strategik Pembangunan Industri Tenuku Negara yang memiliki lapan hala tuju.

Menurutnya, antara program yang dilaksanakan di bawah pelan strategik itu ialah Program Pembangunan Industri Ruminan (Proper) yang sehingga kini terdapat 10 peserta terdiri daripada golongan belia.

“Program lain yang turut dilaksanakan ialah Projek Taman Kekal Pengeluaran Ruminan (TKPR) yang menggalakkan penglibatan pelaburan swasta dalam penternakan dengan menyediakan infrastruktur kandang di bawah Projek Taman Kekal Pengeluaran Ruminan (TKPR) yang memberi fokus kepada pengusaha komersial dan semi komersial termasuk golongan belia.

“Projek Rintis Tenuku yang mula dilaksana pada tahun 2017 melalui

insentif geran pepadanan pula sehingga kini telah menarik seramai 41 penyertaan daripada golongan belia,” katanya pada sesi jawab lisan di Dewan Rakyat di sini semalam.

Beliau berkata demikian bagi menjawab pertanyaan **Datuk Dr Hasan Bahrom (PH-Tampin)** berhubung pelan tindakan yang strategik dan bagi menggalakkan golongan belia untuk terlibat dengan bidang penternakan terutama industri daging.

Mengulas lanjut, Che Abdullah berkata, Program Agropreneur Muda juga turut diperkenalkan khusus bagi menggalakkan pembabitian golongan muda yang merangkumi sektor ternakan di samping sektor tanaman, perikanan dan industri makanan.

Beliau berkata, skop ternakan adalah terbuka kepada hampir semua jenis projek ternakan baik ternakan ruminan seperti lembu, kambing dan bukan ruminan seperti ayam kampung, itik dan lain-lain unggas selain perkhidmatan sokongan dan input pertanian.

“Secara keseluruhan bagi sektor penternakan, seramai 1,259 orang agropreneur muda seluruh negara telah menerima kelulusan Geran Agropreneur Muda dari 1 Januari 2016 hingga 15 November 2020 yang berjumlah RM26.3 juta,” katanya.



Senarai Harga Barang Keperluan

• Ayam	RM5.89	• Telur Gred A	RM9.50	• Gula Pasir	RM2.85
• Daging Lembu Tempatan	RM35	• Ikan Kembung	RM12.99	• Bawang Besar Holland	RM3.50
• Daging Lembu Import	RM28	• Minyak Masak	RM5.30	• Bawang Putih	RM4.99

• Cili Merah	RM9.00
• Kubis Tempatan	RM3.80
• Tepung Gandum	RM2.15

*Harga (RM/kg) Sumber: KPDNHEP

Maqis, Kastam, KPDNHEP, Jakim memandang serius isu penyeludupan

Bukan semua boleh import daging

Oleh SITI A'ISYAH SUKAIMI

PUTRAJAYA – Jabatan Perkhidmatan Veterinar (DVS) menegaskan, kebenaran bagi mengimport daging ke negara ini hanya diberikan kepada syarikat yang berdaftar dengan jabatan tersebut.

DVS dalam satu kenyataan berkata, setiap konsainan import juga perlu dibuktikan dengan dokumen perakuan sah oleh pihak berkuasa negara pengeksporn.

Menurut DVS, ia membabitkan Sijil Kesihatan Veterinar oleh pihak berkuasa veterinar, Sijil Halal oleh badan Islam yang diperakui Jabatan Kemajuan Islam Malaysia (Jakim) serta mendapat kelulusan permit import Jabatan Perkhidmatan Kuarantin dan Pemeriksaan Malaysia (Maqis).

"Setiap daging yang diimport setelah melepasi semua prose-

dur ditetapkan akan dijalankan pemeriksaan fizikal dan verifikasi dokumen oleh Maqis di pintu masuk sebelum diberikan pelepasan memasuki negara," katanya di sini semalam.

Dalam pada itu, DVS memandang serius isu penyeludupan daging oleh pihak tidak bertanggungjawab seperti yang dibongkar oleh Maqis, Jabatan Kastam Diraja Malaysia (JKDM), Kementerian Perdagangan Dalam Negeri dan Hal Ehwal Pengguna (KPDNHEP) dan Jakim baru-baru ini.

"Aktiviti penyeludupan dan pembungkusan semula daging yang menyalahi undang-undang pastinya menimbulkan kekeliruan dan persepsi negatif kepada daging yang diimport secara sah melalui sistem kelulusan import ditetapkan kerajaan menerusi DVS dan Jakim.

"Pengimportan daging secara sah perlu diperoleh dari-



DAGING kerbau 28 tan yang dirampas Maqis Pulau Pinang selepas didapati tidak mempunyai dokumen lengkap dan meragukan baru-baru ini.

pada sumber negara dan rumah sembelih yang telah diperiksa dan diluluskan oleh DVS dan Jakim bersama Kementerian Kesihatan (KKM) untuk rumah sembelih kerbau di India sebagai jaminan keselamatan makanan dan status halal," katanya.

Katanya lagi, sehingga kini, kerajaan meluluskan sebanyak 28 rumah sembelih lembu dari Australia, New Zealand, Argentina, Brazil, Pakistan dan Afrika Selatan serta 11 rumah sembelih kerbau dari India dan Pakistan.

"Kesemua rumah sembelih tersebut telah dijalankan pemeriksaan audit oleh DVS dan Jakim serta KKM untuk rumah sembelih kerbau di India sebelum kelulusan diberikan," katanya.

Dalam pada itu, senarai penuh rumah sembelih mengikut negara sumber yang telah diluluskan boleh dilayari dalam laman sesawang www.dvs.gov.my.